



BX1430
.M5
134
1797
c.1

005919



EX LIBRIS
HEMETHERII VALVERDE TELLEZ
Episcopi Leonensis



1080026402

Regalado por el
Sr. Cuba Dn
Fibureo Medina

el día 28 de Agosto
de
1880

Antonio Sáenz de
Episcopo
José María Velazquez

STATUTA
ECCLESIAE MEXICANAE

NECNON

ORDO IN CHORO SERVANDUS

CURANTE

VALLISOLETANAE ECCLESIAE CAPITULO

SUMPTUS SUPPEDITANTE

ILLMÔ. AC RMÔ.

D. M. D. F.)

ANTONIO A SANCTO MICHAELE

EPISCOPO MECHOACANENSI,

REGIS A CONSILIIIS

&c. &c.

DENUO IN LUCEM EDITA.



UNIVERSIDAD AUTÓNOMA DE NUEVO LEÓN
BIBLIOTECA UNIVERSITARIA

MEXICI: APUD MARIANUM ZUNNIGAM, ET ONTIVERIUM AD
VIAM SPIRITUS SANCTI, ANNO M. DCC. XCVII.

UNIVERSIDAD AUTÓNOMA DE NUEVO LEÓN
CAPILLA ALFONSO BIBLIOTECA UNIVERSITARIA
MICROFILMADO

BX1430
.MS
I 34
1797

STATUTA
ECCLESIAE MEXICANAE

NECNON
ORDO IN CHORO SERVANDUS
CURANT
VALLISOLETANA ECCLESIAE CAPITULO
SUMMUS SUPERINTENS
LIMA ac RMO
D. M. D. E.
ANTONIO A SANCIO MICHAELI

DISCORSO MICHONENSEM
REGIO A CONSILIO

SEC. GEN.

DEMO IN LICENTIA EDITA

MEXICO: APUD MICHONENSEM, IN OFFICINA AN
VIA PRINCIPALIS SANCIO ANTONIO DE MEXICO



ANCTA Synodus Provincialis in Civitate Mexicanâ, quæ Provincia Novæ Hispaniæ caput, & Metropolis est, legitime congregata, Præsidente in eâ Illustrissimo, & Reverendissimo D. D.

Petro Moya de Contreras, ejusdem Civitatis, & Diœcesis Archiepiscopo, per cujus indictionem, & convocatorias litteras eadem Synodus hoc anno Domini millesimo quingentesimo octogesimo quinto, inibi celebrata fuit, prout celebratur de præsentî; Illustrissimo Domino Archiepiscopo Metropolitanò, & Reverendissimis Dominis Episcopis Suffraganeis, cathedraliumque hujus Archiepiscopatus, & Provinciae ecclesiarum Decanis, & Capitulis, omnibusque Beneficiatis, Vicariis, Parochis, Capellanis, & Clericis cujuscumque ordinis, qualitatis, & præeminentiæ honore fulgentibus; ac quibusvis ejusdem Provinciae Notariis, Scribis, & Officialibus, quos hic contenta concernunt, aut concernere possunt, in CHRISTO JESU Domino nostro, qui vera salus est, salutem, &c.

QUAMVIS nobis Christiana religio non ostenderet, quantum sacrarum cæremoniarum ritus, & observantia conferat, ut animus ad divinum cultum, & veræ religionis

A

2.
eustodiam elevetur: juvat tamen plurimum communis omnium nationum consensus, in quibus nulla unquam fuit adeo barbara, quæ licet suos falsos Deos, tanquam veros colendo, erraverit, primo tamen humanorum bonorum principio, & causæ, nempe Deo, adorationem, ac reverentiam non tribuat. Sic enim cæremoniarum ritum necessarium esse gentes existimabant, ut in earum debitâ observantiâ spes suas collocarent, incuriæ autem, ac negligentiæ in eis commissæ adversos eventus imputarent, eosque præ ceteris religiosiores, & magis pios judicantes, qui se in earum ritu diligentiores, ac observantiores ostendissent. Quin etiam tam divinâ fide, quàm communi experientia constat, exteriori cæremoniarum cultu ad divinarum rerum contemplationem spiritum summo opere excitari, ac suavissimè ferri. Unde videmus tot in Lege Scriptâ cæremonias à Deo præscriptas, illarum quidem figuras, quibus Redemptor noster, ejusque Sacri Discipuli usi fuerunt, quasque Mater, ac Magistra nostra Catholica Romana Ecclesia, vel per traditionem Apostolicam, vel sancto zelo, ac divinâ providentiâ, ad piorum, & obedientium Catholicorum ædificationem, superborumque, & arrogantium hæreticorum, ac infidelium confusionem introductas recepit; quarum quædam universales, ac toti Ecclesiæ communes, ut in sanctorum sacramentorum, aliorumque cœlestium mysteriorum administratione; quædam verò pro cujusque provinciæ, & ecclesiæ instituto peculiare existunt: ut igitur

D. August. lib. 10. de Civitate Dei cap. 4. & D. Thom. lib. 3. contra gentes c. 120.

3.
non solum Sancta hæc Metropolitana Ecclesia Mexicana, sed etiam reliquæ, ejusdem Archiepiscopatus, & Provinciæ Cathedralis ecclesiæ, tam in divini cultus, & divinorum officiorum cæremoniis, quàm in legibus, & statutis per earum Prælatos, Capitula, atque ministros custodiendis, & observandis, omnimodam, (ut par est) conformitatem habeant; atque adeo diversitatem (quæ plurimum sæpè absurdorum causa esse dignoscitur) quoad fieri possit, fugiant: idcirco hæc eadem Sancta Provincialis Synodus, collatâ sibi à Sacrosancto Concilio Tridentino ad præmissa omnia, & singula auctoritate fungens, in ejusdem Sancti Concilii obedientiam, & executionem, ac eorum, quæ tam in Missali, & Breviario Sanctissimi Patris nostri felicis recordationis Pii Papæ V. jussu editis; quàm in hujus Metropolis, ad quam ceteræ ejusdem Provinciæ Cathedralis ecclesiæ conformari, & regulari debent, erectione disponuntur, & ordinantur, observantiam statuit, decernit, & mandat: Cæremoniale, & statuta infrascripta, in omnibus ejusdem Archiepiscopatus, & Provinciæ Cathedralibus ecclesiis hujusmodi inviolabiliter observari, practicari, ac executioni mandari. Pro cujus rei fundamento præcipit ejusdem Metropolitanæ Ecclesiæ erectionem poni tenoris (videlicet) sequentis.

Sess. 24. cap. 12. verbo cetera de Reform. ad finem capit.

Juvant divina verba S. Greg. quæ refert. Cardinal. Antonius Carrafa ex ejusdem Sancti Pontificis Epistolis tom. 2. in responsione ad 3. interrogationem D. August. primi Anglorum Episcopi. l. 553.